

天一閣藏明代方志選刊續編



正德雲南志下冊（雲南）

天一閣藏明代方志選刊續編
七二

上海書店

雲南志卷二十三

文章一

豫章周季鳳編

元

題中慶學廟壁

文矩

子方翰林脩撰

世皇昔仗鉞汎掃開八垠茲方遐彭濮同氣皆吾
人祥曦洞幽闇化雨清炎氛哀爾窮髮黔煦以天
地春黽卉襲冠帶鳥語同書文邇來六十載含哺
知尊親人心異禽犢適性非難馴吾聞古王政不
以土後民季世乃寧改畦町逾紛紛七縱脉語柔
病

正德

二

一

二

文

遠降文傷王尊吾元有至德萬古欽皇仁

素王萬世師國經有常祀滇南古荒服薦裸豈異禮
王宮正南面溫厲思敬止豆籩具威儀登獻何纒
纒升歌永齊商琴瑟散宮徵共言唐法曲歲久復
迄憑陋邦何足徵居夷聖所擬於皇人文化道大
孰與比六經如日月洞照無遠邇叙秩敦彛倫百
王同一揆邈哉天何言悠悠正如此

滇池

喬堅

鼎實順慶
路判官

滇水不可涉石戟參嵯峨胡能宅蛟龍但可蔽鼉

罨渚風蕩驚湍乃爾泥滓多我欲澄其源應自崑
崙阿寸謬諒靡救臨流將柰何商山紫芝曲漁父
滄浪歌斯人久不作千載無清波

陪省官遊商山龍泉

城居厭喧俗經年抱官囚使君率僚吏稅駕城東
遊城東夫何如山水清而脩龍宮壓海島金碧凝
雙眸石梯連木杪登覽窮真搜道人爲我言于焉
有龍湫蜿蜒抱明月風雷閔深幽群魚躍晴波碧
藻揚芳柔洋洋掉鱗鬣潛躍無時休使君有仁心

不忍垂其鈎脫巾憇於樾停盃俯清流魚我兩相
忘樂意方與周豈曰恣遊曠省俗聊淹留白雲翳
玄關夕陽戒鳴騶徘徊下山去黃塵滿衣裘

碧雞山

鄭衍

彥章禮部主事

中慶西南來有山勢雄奕異開障大荒壁立數千
尺晴巒疊奇峯幽壑藏恠石清風響松濤老樹森
矛戟俯瞰滇池水仰矗雲霄碧山靈得異境廟貌
存古跡君侯本世家奉詔平叛逆茲承寵光行山
迎馬首懌鎮遏良有謀烟瘴似衆釋從此邊陲寧

殊勲書竹帛

西洱河

述律杰

洱水何雄壯源流自鄧川兩關龍首尾九曲勢蜿蜒
大理城池固金湯鐵石堅四州從古號三邑至
今傳羅閣憑險家人恃極邊要當兵十萬不數客
三千世祖親征日初還一統天兩師清瘴癘風伯
掃氛烟民物因蕃富封疆近百年點蒼山色好銘
刻尚依然

西蕃箚

張翥

冲舉國子助教

西道出邛罽百里彌箐林俛行不見日刺水鬱蕭
森伏莽有夷獠巢枝無越禽根盤三嶺險氣接西
蕃深銀山雪夏白金沙嵐晝霧主恩畀良帥時平
靖蠻心風威所播洒瘴地空毒蕙願言闡南徼蔽
以樹棠陰

龍首關

王明嗣
伯昌大都儒學提舉

萬里雲南道壯哉龍首關氣吞西洱水勢軋點蒼
山天矯盤清秀蜿蜒躍碧潏地靈吁可駭天險貌
難攀并絡稱雄鎮坤維倚大閑周章無六詔俯仰

了群靈聖代堤封闢元戎遴選難度遼推世胄越
萬靖神茲虎節光推轂犀昆響賜環銘功崖畔石
寧羨三門班

鄧賧

陳旅

衆仲國
子監丞

滇池西南陬沃土稱純原鳳山翼廣野穹水吐厚
坤武侯昔經營遺勝諒斯存川原集惠采草樹散
奇芬聖世仁風暢遐徼絕妖氛元戎謹蕃宣詩禮
況所敦

入霑益亂後傷懷

公孫輔

翼之中興
路總管

驅馬霑益川南望滇海頭向來繁華地變滅如浮
漚迥不見人煙但見河水流青山宛然在風景何
蕭颼郡縣生荆棘汙萊翳田疇夜聽虎豹號晝顧
麋鹿遊群鳥集戟壘野燐飛林丘灼灼道傍花只
爲行者愁緬思寇亂際藩垣失防秋空厖起外侮
口語興戈矛盛衰雖大運禍端亦人謀生靈爾何
辜吾欲天公尤

宋夢詔

王沂

思魯宣文
閣博士

瀘南地多瘴宋夢風氣美酋豪富畜牧散野若蠡

蟻聖世重柔遠政爾煩尺箠敗群既已去飲斲自
相靡土俗類楚優衣被紛錯綺俳諧百態出供我
一笑喜亦有善刀舞衆鋒繫鯨齒坐令帳下兒往
往髮上指將軍一回顧風獵旌旗尾四座且勿誼
酒酣可以起

謁諸葛武侯祠

揭傒斯豐城學士

炎靈厭東都卧龍起南陽漢業入三顧蜀日宣重
光豈伊山川險況在兵力強八陣通神明二表貫
穹蒼天運有隆替吾君自虞唐煌煌十萬師聲威

搖八荒大星殞渭南萬古一悲傷但使漢賊分安
有終不亡桓桓蕭將軍雙旌出永昌下馬南城祠
爲我酹一觴

神坪賞花

金齒八景

毛珣浙江人

未如海棠花先觀海棠樹樹高三丈餘花開錦無
數春風二月初遊者爭先覩列饌獻花神髻鬋間
神語但願花常存年年來此處初筵酒三行窮觀
飲無度紛紛車馬塵日暮忘歸路

漢營走馬

我聞漢諸葛深入於不毛廟食在此邦世遠名愈
高至今蒲楚兒猶能記前朝曾傳訓練法弓刀隨
所操走馬不執韁手中弄旗旄紅簾束兩腕捷若
猿與猱垂身掠地過取物名奪標一呼萬人和軍
容亦何驕持酒爭勞之具曰毋足勞

溫泉晚浴

乾坤之二氣胡爲有截伏我觀此地泉陽在陰之
腹其源若探湯有牲烹可熟其流匯二池男女各
異浴爭浴譏裸裎歡笑聲相逐浴罷縱杯盤列坐

歌夷曲晚行偶見之含羞掩吾目明朝當再過聊
以濯吾足

龍祠望雲

昔有一夷婦捕魚此江中水淺見沉木觸若有所
通一乳生九子一子化爲龍居人爲立祠祭祀何
愛恭龍心合人意禱之無不從無拜望雲氣頃刻
生晴空初看散白衣復覩成竒峯因之下歲計可
識歎興豐

蕉洞遊春

幽幽小洞天沉沉若隧道石門古莫扃石磴淨於
掃石花三月開色比桃李好人爭秉燭觀過此即
枯槁既非人技爲無乃天所造况無鑿鑿痕此理
不可曉或云有神仙幻此物外寶

漁村釣月

皎皎山吐月汙汙水增波月在天天影相蕩
摩借問持竿人夜涼魚反多零露洒青筍輕風吹
綠簑歸來夜將半飲酒且復歌即此以爲樂生年
能幾何

蘭江曉度

兩山高挿雲巋然若天岸
草樹綠相繆仰視天一
線中有一長江江流急于箭
亂石齟其中噴激成
飛霰客子行問津
鷄鳴夜將旦僕夫相顧愁舟楫
恐失援天明設此險永作邊城翰

鷄村觀稼

欲登哀牢山先過金鷄村
時當九月秋百穀如黃
雲眇眇原隰間溝澮不可分
路逢一農夫植杖向
我言力田幸有成亦足餉吾軍
邀我坐樹陰酌

老瓦盆擎壤且為樂
辛若何足論
雨暘固時若安
知非帝恩

碧鷄山

張雄飛

西臺御史

北闕辭丹鳳
南雲看碧鷄
紫苔移玉座
瑤草濕金泥
雨霽龍歸洞
風生虎渡溪
尋梅穿竹逕
採藥攝松梯
白日依山盡
書天入海低
寄書無鴈過
擇水有猿啼
花映高低樹
園分遠近畦
飛星馳寶馬
沉水吐銀猊
魚戲蓮房北
鷗盟菰渚西
長歌漢頌罷
刻石紀新題